

沅陵縣志卷二十九

名宦

漢

馬援字文淵扶風茂陵人官伏波將軍封新息侯建武二十三年武陵蠻反遣武威將軍劉尚擊之尚輕敵深入蠻乘險邀之尚軍悉沒復遣謁者李嵩中山太守馬成討之不克援因請行時年六十二帝愍其老未許援曰臣尚能披甲上馬帝令試之援據鞍顧盼以示可用帝笑曰矍鑠哉是翁也遂遣援率中郎將馬武耿舒劉匡孫永等將十二郡募士及弛刑四萬餘人征五溪援夜

沅陵縣志

卷二十九

名宦

一

與送者訣謂友人謁者杜愔曰吾受厚恩年迫日索常恐不得死國事今獲所願甘心瞑目但畏長者家兒或在左右或與從事殊難得調介介獨惡是耳明年春軍至臨沅遇賊攻縣援迎擊破之斬獲二千餘人賊散走入深林初軍次下雋有兩道可入從壺頭則路近而水險從充縣則塗夷而運遠帝初以爲疑及軍至耿舒欲從充道援以爲棄日費糧不如進壺頭搃其咽喉充賊自破以事上之帝從援策二月進營壺頭賊乘高守隘水疾舩不得上會暑甚士卒多疫死援亦中病遂困乃穿岸爲室以避炎氣賊每升險鼓譟援輒曳足以觀左

右哀其壯莫不爲之流涕而耿舒以違其意私與兄弇書上之帝乃使虎賁中郎將梁松乘驛責問援因代監軍會援病卒松夙懷不平遂因事陷之帝大怒追收援新息侯印綬馬武侯昱等又以薏苡之謗皆章言其狀帝益怒援妻孥莫測所以不敢以喪還舊塋及從子嚴詣闕請罪帝出松書示之方知所坐書訴六上辭甚哀切然後得葬後同郡雲陽令朱勃上書白其冤亦莫省也永平十七年始更修封樹起祠堂建初三年追諡曰忠成侯援爲人明須髮眉目如畫閑於進對尤善述前世行事又善兵策光武常言伏波論兵與我意合每有

沅陵縣志

卷二十九

名宦

二

所謀未嘗不用援既抱冤以死久之得白辰州人追念其忠勤廟祀遍於郡邑苗蠻尤敬畏焉

後漢書本傳省志府志

舊志

宋均字叔庠南陽安眾人也建武中補辰陽長

原注辰陽今辰州辰

谿縣

其俗少學者而信巫鬼均爲立學校禁絕淫祀人皆

安之以祖母喪去官客遊潁川後爲謁者會武陵蠻反圍武威將軍劉尚詔使均乘傳發江夏奔命三千人往救之既至而尚已歿會伏波將軍馬援至詔因令均監軍與諸將俱進賊拒掎不得前及馬援卒於師軍士多溫溼病死者大半均乃與諸將議曰今道遠士病不可

以戰欲權承制降之何如諸將皆伏地莫敢應均曰夫忠臣出境有可以安國家專之可也乃矯制調伏波司馬呂种守沅陵長命种奉詔書入虜營告以恩信因勒兵隨其後蠻夷震怖卽共斬其大帥而降於是入賊營散其眾遣歸本郡爲置長吏而還均在道先自劾矯制之罪光武嘉其功迎賜以金帛令過家上塚其後由上蔡令遷九江太守虎爲渡江蝗不入境永平元年遷東海相七年徵拜尙書令遷司隸校尉出爲河內太守政化大行均常寢病百姓耆老爲禱日夕請問起居其爲民愛若此建初元年卒於家崇祀府縣名宦祠

後漢書本傳

按明通判吳瑞登舊府志謂爲監軍者宗均爲辰陽長者宋均宗均以才勝宋均以德勝郭棐酉陽正俎引本傳綱目所證宗均卽宋均爲非是乾隆間府志辨之謂其因南蠻傳宋均訛刻宗均一字偶誤遂疑爲二人後漢書宋均本傳宦績次第甚詳初無可疑終不得指爲兩人此論誠有識而一統志湖南通志皆作宗均且引通鑑考異謂宋爲宗字之譌則亦以爲一人矣夫宋宗二字未知孰訛然其爲一人則明甚又按太守鄢翼明云均之功在新息侯上於辰宜有專祠府志謂沅陵祀宋均於名宦謂其曾建學校是不解辰陽長之爲今辰

谿也其語誠是惟罷名宦而專祠祀之庶乎其有當耳
呂种莫詳爲何許人建武二十四年爲泝波司馬從馬援
征五溪蠻明年援死監軍宋均矯制調种爲沅陵長命
种奉詔書入虜營告以恩信因勒兵隨其後蠻夷震怖
其斬其大帥而降是役也耿舒梁松馬武等方與援爲
嫌怨又軍士多疫死非种佐均平諸蠻則全軍幾不反
矣採宋均傳府志

唐

劉景先光宅中貶辰州刺史達於從政應事捷給治聲赫
然省志

沅陵縣志

卷二十九

名宦

四

王翊晉陽人天寶中辰州刺史與討襄州康楚元有功加

兼秘書少監

唐書本傳省志

五代

馬殷字霸圖許州鄆陵人唐乾甯三年爲潭州刺史尋爲
武安軍節度使據有湖南諸郡梁太祖卽位殷遣使修
貢拜侍中兼中書令封楚王初辰州蠻酋宋鄴叙州蠻
酋潘金盛一作金晟一作全盛恃其所居深險數擾楚邊開平三
年鄴寇湘鄉金盛寇武岡殷遣昭州刺史呂師周將衡
山兵五千討之斬金盛乾化二年宋鄴及叙州蠻酋昌
師益率溪峒諸蠻皆附於殷殷以鄴爲辰州刺史師益

爲叙州刺史太祖加殷天冊上將軍乾德元年辰叙蠻復侵楚殷使甯遠節度副使姚彥章討平之後唐天成二年明宗封殷如三公用竹冊殷以潭州爲長沙府建國承制自置官屬長興元年卒諡曰武穆子希聲立

五代

史楚世家
府志

彭城江西吉水人後徙上溪州仕唐爲檢校司徒辰州刺史梁開平四年吳敖駢圍赤石城調所部征之被執不

屈闔門遇害

楚紀
府志

永順府志

馬希範字寶規殷第四子也後唐長興三年兄希聲卒希範以次得立襲殷官爵封楚王後晉天福四年加天冊

沅陵縣志

卷二十九 名宦

五

上將軍開府承制如殷故事時溪州刺史彭士愁

一作然

作慙率錦獎州蠻萬餘人寇辰澧二州希範遣劉勅廖匡

齊

五代史作
劉全明

帥步卒五千人討之士愁敗走勅等攻破

溪州士愁逃入錦獎深山遣其子師曷率諸蠻酋納溪錦獎三州印綬歸降於楚溪州西接牂牁兩林南通桂林象郡希範自謂伏波之後功震蠻荒乃以銅五千觔鑄柱高丈二尺命學士李宏臯

史作
李臯

銘之立於溪州界上於是南甯州都雲牂牁酋長皆率其部落數十州來附希範好學善詩性奢侈後頗加賦於國中開運四年卒諡曰文昭辰人追念其功祀之名宦祠其銅柱今猶

存沅陵所屬之會溪

五代史楚世家
舊志

劉勅廖匡齊里居莫詳同仕馬楚勅官左靜江指揮使匡齊官決勝指揮使後晉天福四年溪州刺史彭士愁率錦獎州蠻萬餘寇辰澧二州焚掠鎮戍楚王馬希範命勅與匡齊帥衡山兵五千討之勅等進攻溪州士愁敗走保山寨石崖四絕勅爲梯棧上圍之賊困鬪匡齊力戰不勝遂死之明年春勅乘大風以火焚其寨士愁逃入錦獎深山懼不克免乃遣子師曷率諸酋降於楚勅始引兵還長沙楚王尋以勅爲錦州刺史終楚之世蠻不復叛

通鑑
府志

沅陵縣志

卷二十九

名宦

六

宋

錢絳不詳所自真宗時知辰州天禧元年溪州蠻寇擾絳統軍入下溪州破砦柵斬蠻六十餘人降老幼千餘是時都巡檢使李守元亦率兵入白霧團溪州刺史彭儒猛亡入山林絳乃執其子仕漢等赴闕儒猛旋亦降服

宋史南蠻傳
省志府志

李守元辰州都巡檢使天禧元年溪州蠻寇擾守元率兵入白霧團擒蠻寇十五人斬首百級降其酋二百餘人

宋史南蠻傳
省志

張綸字公信潁川汝陰人咸平三年遷右班殿直從雷有

終討王均於蜀以功進官後奉使靈夏還會辰州溪洞
彭氏蠻內寇以綸知辰州既至築蓬山驛路賊不得通
乃遁去徙知渭州改內殿崇班知鎮戎軍奉使契丹安
撫曹瑋表留之不可蠻復入寇乃以綸爲辰澧鼎諸州
沿邊五溪十峒巡檢安撫使諭蠻酋以禍福購遣所掠
民遣官與盟刻石於境上綸有才畧所至興利除害爲
宋時循良吏十二人之一宋史循良傳
史方字正臣開封人初爲潭澧鼎沿邊同巡檢改右班殿
直閣門祇候會澧州民訴下溪州蠻侵其土地遣乘驛
往視自竹疎驛至申文崖復地四百餘里得所掠五百

沅陵縣志

卷二十九

名宦

七

餘人又置澧州武口楊泉索溪四砦以扼賊衝天聖初
下溪州蠻彭仕漢寇辰州殺巡檢王文慶方勒兵入溪
洞討捕降其黨李順同等八百餘人誅其尤惡者杜忽
等十九人遷西頭供奉官知辰州兼沿邊溪洞都巡檢
使修南北江五砦徙夔州後累官西京作坊使宋史本

省志

彭思永字季長廬陵人進士仁宗時爲湖北轉運使下溪
州蠻彭仕義作亂先移書激罵辰州守守將討之思永
按部適至仕義懼遣使迎謝遂寢其謀熙寧三年以戶

部侍郎致仕

宋史本傳志
省志

張昭懿爲辰州將寶元二年辰州獠獠三千餘人款附以昭懿招輯有功進一官

宋史 溪峒諸蠻傳 省志

竇舜卿字希元相州安陽人仁宗時溪洞蠻酋彭仕羲叛嘉祐二年舜卿由主客徙爲鈐轄兼知辰州建請築州城不擾而辦辰州之有城蓋自舜卿始也已而帥師取富州蠻將萬年州據石首崖舜卿選壯卒奮擊蠻矢石交下我兵蒙盾直前發強弩射萬年州斃於崖下遂拔之左右欲盡勦其眾舜卿不許曰仕羲願內附特爲此輩所脅今死矣何以多殺爲引兵入北江仕羲果降擢康州刺史熙甯中以光祿大夫致仕再轉金紫光祿大

沅陵縣志

卷二十九 名宦

八

夫卒諡康敏

宋史 本傳 府志

雷簡夫字太簡同州郃縣人康定中用薦召爲秘書省校書郎累官至殿中丞會辰州蠻彭仕羲內寇三司副使李參文侍御史朱處約安撫不能定嘉祐二年以命簡夫至則督諸將進兵築明溪上下二砦據其險要拓取故省地石馬崖五百餘里仕羲內附擢三司鹽鐵判官後遷尙書職方員外郎

宋史 本傳 省志 府志 舊志

徐的字公準建州建安人累官荆湖北路轉運使仁宗時辰州蠻彭仕羲叛的爲開示恩信蠻黨悔過自歸後復以荆湖南路安撫使平蠻卒於桂陽史稱其招來以恩

優於嗜殺者多矣

宋史本傳
省志府志

石禹勤蕪湖人通判辰州撫諭諸蠻夷酋聽命願請爲守

不報

通志
省志

蒲宗孟字傳正閬州人察訪荆湖兩路奏罷辰沅役錢及

湖南丁賦士民便之

宋史本傳
省志舊志

謝麟字應之建州甌甯人登第熙甯初通判辰州章惇使

湖湘拓沅州薦麟爲守由太常博士改西上閣門副使

元豐二年獯賊犯辰溪詔麟督捕麟且捕且撫一方以

安

宋史本傳
省志府志帝紀

吳審禮不知何許人哲宗時由進士知辰州獯人數爲寇

沅陵縣志

卷二十九 名宦

九

審禮至卽解甲撤備一以誠信結之獯人感悅四境晏

然

一統志
府志省志

張建侯政和間知辰州黃安俊叛圍鎮江砦建侯與王憲

之率兵救之眾潰俱被執賊迫使諭砦中人出降建侯

佯許諾至砦下大呼曰爲人當識順逆我萬不求生汝

等堅守勿懷二心賊怒俱殺之郡人哀其忠立祠祀焉

一統志
省志

何兌昭武軍昭武縣人受程氏中庸之學於馬仲伸歿兌

嘗輯其忠節事狀紹興中爲辰州通判覩郵報秦檜自

陳存趙之功謂他人莫預兌徑取所輯伸事狀達尙書

省檜大怒下兌荆南詔獄獄詞皆出吏手兌坐削官竄
真陽檜死始放還復其官尋卒

宋史馬伸傳
府志

汪若海字東叟歛人幼以知兵名張浚宣撫川陝若海官
右府往見極談終日浚大驚服以迂執政被謫紹興初
通判辰州若海豁達高亮深沈有度高宗嘗以片紙書
其名謂張浚曰似此人才卿宜收拾會浚去國不果召
通判諸州志不少挫屢建軍國大議後授直秘閣知江
州丁父憂朝廷方經畧中原議起之而若海死矣

宋史本傳

廣輿記 省志
府志

楊抗莫詳所自紹興中通判辰州蠻時標掠境上抗置火

沅陵縣志

卷二十九 名宦

十

樓伺其出入則鳴鼓爲號遠近相援蠻遂屏跡樓故址

在今沅陵之浦市

廣輿記 一統志
省志 府志

楚蕃字昌父信州玉山人受知楊萬里調辰州司理參軍
與郡守爭獄罷人以蕃爲直理宗卽位屢召不赴得致
仕轉丞議郎依前直秘閣卒年八十有七蕃性寬平與
人樂易而剛介不可奪景定三年諡曰文節

宋史文苑
傳 府志

朱敏字訥之錢塘人進士由邵陽主簿擢辰州通判賦性

厚重廉正自持涖事不尙威嚴民自感服

府志

李起渭福州人教授辰州辰士弗嫻文藝博士舍距學遠
師弟子不相親起渭卽校士所得合俸餘更創之始朝

夕與士接

真德秀撰墓誌
省志

元

劉國傑字國寶本安真人姓烏古倫後入中州改姓劉氏貌魁雄善騎射膽力過人屢立戰功爲懷遠大將軍時世祖賜號霸都國傑行二因呼之爲劉二霸都而不名霸都華言敢勇士也初黔中諸蠻酋旣內附復叛又巴洞何世雄犯澧州泊崖洞田萬頃楠木洞孟再師犯辰州朝廷嘗討降之升泊崖爲施溶州以萬頃知州事至元三十一年萬頃復叛攻之不能下成宗旣卽位赦天下並宥萬頃等亦不降時國傑爲行樞密於衡州仍授

沅陵縣志

卷二十九

名宦

十一

副使帝命往征九月國傑馳至辰州進攻明溪賊魯萬丑擁眾自上流而下千戶崔忠百戶馬孫兒戰死十月進兵桑木溪萬丑復以千人拒戰擊却之明日萬丑倍眾來攻國傑鼓之百戶李旺率死士陷陣眾軍齊奮賊敗遂破其巢焚之進攻施溶部將田榮祖請曰施溶萬頃之腹心石農坎三羊峯其左右臂也宜先斷其臂而後腹心乃可攻國傑曰善麾諸軍攻石農坎賊不能支棄寨遁遂拔施溶擒萬頃斬之復窮捕其黨攀崖緣木而進凡千餘里元貞元年卽軍中加榮祿大夫湖廣行省平章政事辰澧地接溪洞宋嘗選民立屯免其繇役

令司防禦在澧曰隘丁在辰曰寨兵宋亡皆廢國傑悉復其制邊防周密諸蠻不能復寇賊盜遂息旋入朝賜玉帶錦衣弓矢臺臣言國傑在軍中每以家貲賞將士帝命倍償之部曲有功者各遷官大德八年國傑卒封齊國公諡武宣

元史本傳
府志

明

詹彥中臨淮人洪武初以參軍鎮守辰州辰郡屆蠻疆南北兩江五溪荒徼之地皆倚爲控制而舊城傾覆於隍不可以爲守禦計彥中至亟爲採石創建高亢堅厚復分立衛所駐軍伍以護之民恃以安去後思之不諼祀

沅陵縣志

卷二十九 名宦

十二

名宦祠

一統志
府志 舊志 省志

周德興濠人以功屢進湖廣行省左丞洪武三年封江夏侯十四年五溪蠻亂德興已老力請行帝壯而遣之賜手書曰趙充國圖征西羌馬援請討交趾朕常嘉其事謂今人所難卿忠勤不怠何忝前賢靖亂安民在此行也至五溪軍聲遠播蠻悉散走溪洞遂定請決嶽山壩通水利漑田歲增屯租德興在楚久所用皆楚卒威震蠻中辰人恃以無恐

明史本傳
府志 舊志 省志

張子登里居舊志莫詳爲邑丞以寬平御下而律已甚嚴督課農桑悉出以誠民咸爲之勸縣學舊在西郊荒陋

非制洪武九年子登爲卜地於城內鶴鳴山奏請創建地高爽而山水環拱新廟軒昂始稱尊崇之制士紳祀之名宦祠

馮誠學記
府志 舊志 省志

劉叔恣江西廬陵人洪武時爲沅陵令廉正自持以興利除病爲己任縣介溪峒又當雲貴之衝徭役煩困吏胥因以魚肉民竄山谷田疇井廬棄而不治叔恣爲省刑節役嚴治蠹吏百姓聞風歸趨如市有以訟至者不繩以法曲爲理論至再至三率相顧感泣去永樂初以薦陞工部員外郎入翰林修書民詣闕奏乞章數上獲允轉辰州府同知郡民歡呼郊迎聲聞數十里叔恣益自

沅陵縣志

卷二十九 名宦

十三

振勵撫綏化導遠邇信服一郡大治及北京建宮殿率民往役勞勩歲餘而卒役者哀慟若喪其親具棺衾以殮工竣載柩以歸葬於沅陵萬歷二十四年通判吳瑞登爲請於上建名宦祠祀之

一統志
府志 舊志 省志

張鼎新永樂中來知縣事爲政寬猛適宜撫疲瘵課耕桑招來勸導深得民心宣德七年考績滿任邑人乞留得允進六品秩在任三十三年卒於官百姓哀思祀名宦

祠

一統志
府志 舊志 省志

薛瑄字德溫河津人究心閩洛之學永樂十九年進士宣宗初擢授御史監湖廣銀場舊傳辰州產麩金歲遣使

採取民無以應追索之苦莫能自訴瑄至郡卽爲奏罷
爲政以黜貪墨正風俗爲本修治沅陵縣學進諸生講
說道義一時爭爲興起暇卽體玩性理諸書頃刻弗怠
在郡日常自書曰履端者時之新也爲學當與時俱新
蓋時爲宣德六年元日其克自勵於學如此累官禮部
右侍郎兼翰林學士入閣預機務天順八年卒贈禮部
尙書諡文清陪祀兩廡辰人祀之虎谿書院

明史本傳
年譜

明統志
府志 舊志 省志

傅翔宣德間爲縣主簿性清慎門無私謁勤於政事馬伏
波廟建於江南岸自翔始也陞零陵縣知縣去之日百

沅陵縣志

卷二十九

名宦

十四

姓遮泣祀名宦祠

府志
舊志

孫浩山東利津人永樂中知邵陽遭喪去官洪熙元年陝
西按察使頌浩前政卽命起復正統三年超擢辰州知
府廉潔簡重其妻偶食梨問所自曰馬戶饋也浩變色
曰汝微物尙私况其厚者乎立遣還家其清操如此史
稱洪宣正統間民淳俗富吏易爲治而其時長吏亦多
勵長者行以循良見稱如孫浩其一也

一統志
府志

操欽合肥人正統間辰州府推官性廉介聽斷明決豪强
畏服民多德之

府志

周溥正統間知縣事長於才而廉靜自持至修學校恤窮

困恆竭其力以期實效民懷之祀名宦祠

舊省志

府志

秦紘字世纓單縣人景泰二年進士授御史劾治內官傅鎖兒罪諫止江南採翠毛魚魷等使權貴忌之謫沅陵北溶驛丞辰郡士人多從之遊嘗結茅屋於驛旁題曰安遇軒日夕講論其中天順初以御史練綱薦遷雄縣知縣累官戶部尙書經畧著於西陲而紘自以爲皆北溶之功也年八十卒諡襄毅紘廉介絕俗妻孥菜羹麥飯常不飽性剛果勇於除害不自顧慮士大夫識與不識莫不尊之蓋偉然一代名臣也

明史本傳
府志

按舊志襄毅入流寓不入名宦蓋以公一代名臣不當

沅陵縣志

卷二十九

名宦

十五

以驛丞小之且獲罪遷謫亦與流徒無異所見未爲不是然究係沅陵職官府志列於名宦較當今從之但府志學校考謂公當祀沅陵名宦祠則殊不然名宦之祀必其人有功德於斯土而後祀以報之公在縣僅一驛丞政績無所表見又何以祀乎

王矩號石樓山西平陽人進士天順元年知辰州府性方直盡心民事尤拳拳學校力爲修建病且困有以金私饋者矩曰吾生平不妄取豈以困易操耶卒却之

明統志

省志
府志

易貴字天爵貴州人景泰甲戌進士由職方主事遷主客

郎中成化五年知辰州府府署湫隘侵壞貴至念連歲
兵荒民困甚不可以役乃新其政令恩威並用民悅而
蠻服歲且大稔既三年矣方治事於堂會客至起趨未
及外門而堂上梁遽崩折屋盡圯民驚而喜其免於厄
也皆樂於將事貴自捐俸營度僚屬及兩江土司皆踴
躍助貲於是盡撤而大新之未半載工竣高堅壯麗今
所治猶其始創之舊也

劉宣記
府志

解榮四川灌縣人宏治元年以進士來知縣事守己清廉
所出政令不爲赫赫名亦不務爲姑息而實惠在民民
用懷之祀名宦祠

省志
舊志

府志

沅陵縣志

卷二十九

名宦

十六

虞球字伯玉崇仁人宏治十年通判辰州先是郡糧主者
咸以爲利藪球至一無所取不妄笞一人而公事自辦
巡歷辰溪邑多山田歲每苦旱球親詣田間相度水道
令民鑿陂塘瀦水以資灌溉民至今受其利

明統志
省志

府志

郭麟閩縣人正德三年爲縣教諭勤於課誨士之有才者
多方振拔改學宮建書院皆力爲之倡學者愛敬之去
之日繪像留祀名宦祠

省志
舊志

府志

戴敏字遜之婺源人進士歷官南京戶部郎中正德五年
知辰州府爲政以興教化正人心爲首郡城外有淫祠

爲豪家所踞下令毀而鬻之以其值市城中地創崇正書院祀周程朱張五子於院後建寶經堂擇子弟之秀異者肄業其中而時親課之鎮算苗叛悉心勦撫政事文章皆藉藉著於當時

楊廷和記
明統志
府志

鄧琦河南洛陽舉人正德五年同知辰州府剛果明決吏不敢欺時衛軍橫暴爲民害琦置於法一郡肅然

明統志

省志
府志

吳勲武進人辰州衛指揮同知正德七年流寇劉六劉七南下勲從都指揮湯輔勦禦時承平久眾畏憚不前勲憤曰吾當獨身死賊耳遂戰死應山

一統志
省志

沅陵縣志

卷二十九

名宦

十七

勾德廣西人嘉靖十一年

省志誤作
正德中

爲辰州府推官不虐

小民不以錢幣入私室布衣蔬食澹然與民同憂樂循良之名郡人久而益稱之後萬歷中侯加地來繼其職猶聞而歎曰廉吏如勾公者真難以企及也

省志
府志

胡晟婺源人嘉靖十七年由舉人來知縣事方正不阿爲民興革利弊時滎藩督租率爲民害晟悉繩以法王亦無如何也又裁辰沅夫役均其勞逸上下巡歷其境者

終莫能擾去後民思之祀名宦祠

一統志
舊省志
府志

徐珊字汝珮餘姚人少受學於王陽明嘉靖二年以舉人赴南宮試策問心學實陰詆陽明也珊不對而出二十

年官辰州府同知初陽明謫龍場召還道辰州留虎谿
徜徉久之乃去珊至訪遺跡爲書院構修道堂大集多
士以昌明其學明年廬陵梁廉來判於郡廉亦珊之師
也珊事之一如陽明不敢以同官而忘師誼日諄諄請

益不倦

王成文府志

羅文莊集

梁廉字定齋江西廬陵人早以道自任主講會稽時日與
餘姚徐珊侍陽明於鑑湖益有所得珊後竟折節稱弟
子嘉靖二十一年由舉人歷工部主事出爲辰州府通
判時珊以同知先一年至方建修道堂於虎谿廉下車
卽謁祠下復創見江軒其側益會士人相與講論由是

沅陵縣志

卷二十九

名宦

十八

陽明之學大昌於辰州

徐汝珮記府志

陶欽夔字伯諧號鏡峯江西彭澤人進士嘉靖二十八年
爲分守湖北道駐辰州府攝辰沅兵備事才識通敏急
於愛民湖貴苗變劫陷石阡郡人聞風震恐欽夔旣經
畫沅州復倍道至郡偕知府徐楚督率士卒晝夜修築
城池舊日女牆俱覆屋其上屢興屢燬官民交困欽夔
悉撤爲露城凡三月工竣民得所恃而安

府志

徐楚字世望浙江淳安人進士嘉靖二十八年知辰州府
與守道陶欽夔修築郡城楚懼民力不能勝周堵畧備
而東西二隅工未竟者爲請於上分作三歲成之民不

勞而事集每燕見士紳諮詢利弊欲大有所興革而時未可言郡人感其意泐石以志去後思

府志

高昇江西南昌縣人嘉靖七年舉於鄉久之來知縣事時總督張岳帥師征苗上下城邑軍需供應孔繁昇盡心調度軍給糧足而閭井不擾百姓感之祀名宦祠

省志
府志

舊志

游震得字汝潛號讓溪婺源人嘉靖三十五年由進主爲分守湖北道駐辰州廉潔慈祥長於政事是時宗祿繁糧賦日增苗邊新設十三哨軍餉日多民脂欲竭而部使者奉命復取麩金徵硃砂採大木督責暴橫絡繹不

沅陵縣志

卷二十九

名宦

十九

絕震得歎曰民困如此吾尙尸默而不言乎於是挺然建議宗糧則二由二稅悉徵折色軍儲則裁民壯以助驛遞則嚴懲胥役苛派邊防則慎守禦以遏其萌又著砂金說原土產之所無繪採木圖陳山崑之險一一上聞悉從其請民乃大蘇蓋震得少卽留心正學深窮義蘊故達於施爲如此而尤樂造就人才政暇日進諸生論說如師弟子在任四載擢湖廣按察使以去學者爲建讓溪書院於虎谿陽明祠之東日講習其中如親侍焉又彙其奏議二卷刻之名曰湖北民隱錄百姓復建

棠蔭祠以祀又祀名宦祠

萬士和民隱錄序
省志府志舊志一統志

萬士和字思節號履菴南直宜興人嘉靖二十年進士改庶吉士累遷貴州提學副使三十九年進湖廣參政分守湖北撫納叛苗二十八砦以功賚銀幣未三載而遷初士和來駐辰州繼游震得後以震得爲賢凡所興革悉心踵而成之時三殿工興採木使者旁午於道震得繪圖上陳而未能遽止也士和旣已莫可如何惟多方經畫民始賴以安而其叙震得民隱錄也猶懼無以接武前賢以慰民望其虛懷慕義如此去之日辰人泐石紀之又與震得並祀棠蔭祠後官至禮部尙書卒贈太子少保諡文恭

明史本傳

府志

向淇去思碑記

沅陵縣志

卷二十九

名宦

二十

張重福建人嘉靖中爲縣教諭邃於學負有爲之才不以官冷自卑別賢否勤勸課遊其門者多所成就士紳交口稱之祀名宦祠

府志
舊志

王騰漢雲南人嘉靖末由舉人來知縣事性廉謹治事精勤審機善斷吏不敢欺修學校課農桑訟簡賦均四民就業考績保留加六品俸仍舊任

省志
舊志

府志

鄒善字繼甫號穎泉江南安福人隆慶四年由進士累官湖北分守道駐辰州西郊有虎谿山爲王陽明講學地學者建祠祀之而肄業其中善固以道自任至卽往謁進諸生與講良知之學而四方士聞風日至太守徐廷

綬慮其無以容也爲增置講室六楹善名之曰當仁堂
磨勵獎勸寒暑不輟未三載遷去諸生爲泐去思碑而

祀之棠蔭祠

向淇當仁堂記
府志

王璽字予信號見竹江西南豐人嘉靖乙丑進士選庶常
歷工禮戶三科給事奉使朝鮮遷太平守有廉聲萬歷
四年擢分守湖北道益潔其操自念爲守時進巡方者
以蔬食及來駐辰州雖蔬食亦不妄擾其於士民務以
寬厚待之官至廣東按察使辰人祀之棠蔭祠

府志

許琬字文建號少南江西新城人嘉靖歲貢萬歷初由訓
導來知縣事縣號繁劇兵荒洊至一切供億琬悉裁去

沅陵縣志

卷二十九

名宦

二十一

邑中火禱天自責風反火熄當道交獎之後致政歸鄧
元錫爲作沅山篇畧云沅父老兮望日延君胡爲兮鴻
騫亶知足兮不辱豈周容兮能全

府志

項思教字敬敷浙江臨海人舉進士萬歷十年爲湖北分
守道駐辰州推誠待士不擾其民亦不爲赫赫之政民

懷之祀棠蔭祠

府志

蔡國珍字汝聘江西奉新人屢官福建提學副使萬歷十
四年遷湖廣右參政分守湖北駐辰州洞蠻亂將吏皆
議勦國珍檄諭之遂定官至吏部尙書素以學行稱而
清操有守尤爲時望所屬卒贈太子太保謚恭靖

府志

郭棐字篤周號夢菊廣東番禺人由進士爲夔州守遷四川督學萬歷十六年分守湖北道棐少從學湛若水精進於道辰州屢經兵燹文獻殘缺見於志乘者率多訛謬棐力爲考證著酉陽正俎十篇暇日修伏波祠建大觀亭後以遷去士民爲立生祠又與游震得萬士和鄒善王璽項思教並祀棠蔭祠

張文耀祠記
府志

張俊漢川人萬歷初爲縣教諭貌渾樸而行誼端方勤於考課士之貧者周之而勗以學居數載挂冠去諸生留之不能強也

府志
舊志

吳瑞登字雲卿號省菴南直武進人由歲貢爲教諭召入

沅陵縣志

卷二十九 名宦

二十二

成均修世宗穆宗實錄萬歷二十三年擢辰州府通判專董七州縣賦役瑞登才具練達勾稽緩急悉當胥吏莫敢干以私民間風輸兌踰於常額淑浦俗號頑梗瑞登爲清積逋旌節孝禮教多士人心翕然嚮化旋署縣事建名宦祠祀循良者八人造綱網冊豪猾詭譎之弊頓絕以其暇日纂修郡志甫半載丁內艱去郡人爲肖

像建祠

孫繼祠記
府志 舊志 省志

瞿汝稷字元立南直常熟人好學工屬文以蔭補官三遷刑部主事歷黃州邵武知府萬歷三十一年徙知辰州府初保靖土司彭養正惡其長子象乾愛庶子象坤而

西陽士司冉御龍故與永順土司彭元錦有隙象乾者御龍之甥也元錦乘養正死以兵逐象乾欲以報御龍汝稷偵知之先期馳檄開諭元錦解兵去三土司皆安未幾議勦紅苗汝稷上言兩臺其畧曰苗邇年頗甯息今茲釁隙實由黔總戎而開蓋黔有食糧熟苗龍惠者頗爲部落所歸中國羈縻之假以指揮服色今總戎初至無故而遽革其糧苗警日起總戎疑以爲皆惠也使健步王仁續至惠寨仁續淫苗婦惠並殺苗婦以白總戎總戎乃誘惠殺之盡滅其家夫漢法凡姦人婦女者並殺其婦則弗問惠故奉漢法也又以白總戎何至殺

沅陵縣志

卷二十九

名宦

二十三

惠而滅其家乎曲在我矣且苗地四五百里其人不下數十萬皆勇悍難制恐未能速得志也議上事得寢尋遷長蘆鹽運使去之日辰民爲建生祠紀之以碑後以

太僕少卿致仕

明史瞿景淳傳
省志

毛允讓字星嶽浙江江山人刑部尙書愷之冢孫也萬歷

三十四年知辰州府允讓雖世宦未嘗有驕侈色教愛士民體恤周至嘗有事沅州先期檄止供饌減騶從約宿於辰谿至界嶺去城十五里漏方起允讓念春氣寒甚夫馬勞倦卽投小菴止宿菴隘且陋縣令固請入城婉言謝之扃戶鼾睡達旦其不擾民類如此未半載卒

於官後人卽所宿之小菴更其題額曰召憩府志

張後甲江甯人萬歷中辰州府推官有諸生以事忤豪右

文致傅獄亟釋之奸民有手斃其女而誣人大辟者爲

白其冤省志

侯加地字慶宇解州人萬歷二十八年由舉人爲辰州府推官遇屬邑災變侃切陳請必得賑乃已辰州故爲苗疆兵寇時作而郡乘殘缺無考前通判吳瑞登草創未成而去旣而其門人侍御錢春巡方至辰州以加地有心人也囑之成其事加地力爲考求閭閻利弊著之於篇而於苗變尤詳又著邊哨疆域考凡國家所已設施

沅陵縣志

卷二十九名宦

二十四

與夫山川險要所當續爲之備者分條細數不覺其言之長所以思患預防者遠矣萬歷四十三年書乃成今其舊本雖不可得見觀於後人之祖述而加地之用心苦矣嘗署沅州事遷學興教卓然有聲宜祀諸名宦祠以昭士民報稱之意自序府志 錢春序舊志 省志

蔡復一字元履一字敬夫福建同安人由進士歷兵部郎中萬歷四十二年遷湖廣參政分守湖北兼署兵備駐辰州請征勦紅苗改州設衛不從復親歷邊疆度其險阻力陳營哨羅布苗路崎嶇難以遏其窺覷請發帑金四萬有奇築沿邊土牆上自銅仁下至保靖迤山互水

凡三百餘里一時邊防藉以稍固後屢遷總督貴州雲南湖廣軍務兼巡撫貴州擒斬兇苗無算解任卒於平越贈兵部尙書諡清憲

明史本傳
府志

樊良樞字致虛江西人由進士累官浙江雲南督學崇正二年遷湖廣副使分守湖北兼布政司右參議駐辰州重建王文成書院於虎谿山又別建薛文清祠於其西政暇卽詣講堂進諸生論學質疑問難以相觀摩諸生請曰顏子卒年三十二後之論者以爲未達聖人一間而夫子自叙曰三十而立至七十始不踰矩然則天假顏子以年其將遂優於聖人乎良樞曰不然夫子自致

沅陵縣志

卷二十九

名宦

二十五

於道也顏子由聖人引而至於道也譬之富人初無本業銖積寸累末年始能儲蓄稱富有至其子弟則不待經營遵而行之便童年素封矣然論致富之術究何能如其父兄由此觀之顏子卽壽臻古稀恐終是未達一間也凡所折衷大都此類著虎谿會錄諸生悅服以爲自文成後虎谿此爲再盛云未二載擢廣東嶺南道參政旋值世變未及崇祀而其教澤所被郡人士猶有餘

慕焉

省志
舊志

府志

楊邦翰字羽君號仙石廣東南海入崇正辛未進士令溧水舉卓異來知縣事以恤民愛士爲務縣固山邑也田

堦賦重加以孔道征調頻仍額賦屢增逃亡者眾而里甲相沿爲奸指公科索民無從白邦翰至卽嚴革火耗立易知單令納戶自兌自封免漕米以豁賠累請益價以甦夫馬察衙官侵虐無告禁重犯凌轢獄囚又制日報指掌二冊以稽庫役出納凡挪移侵欺之弊頓絕當道賢之下其法於旁郡時岳鄙二處餉不及額有議於辰沅代納者邦翰毅然請於上曰沅陵者未及言之岳鄙也岳鄙者已在告之沅陵也竟獲罷而優禮諸生月課季試雖政務冗迫必手自較讐尤者旌之梓之一時出其門者皆聯翩捷去辰州衛舊無專學附於沅陵凡

沅陵縣志

卷二十九

名宦

二十六

郡庠所取皆沅陵與衛子弟後各邑多竄入邦翰言其弊於學使者得議如舊至修學宮完城郭猶其餘事也逾年直指使者上其能晉秩南京水部士庶趨詣闕乞畱不獲命去之日囊無長物而肫懇愛民之意未已也爲刻酉陽紀畧以告後之司土者邑人泐碑以志不忘

府志

王驥字澹菴江南人進士崇正間分守湖北道駐辰州操守清潔撫苗督餉能以才畧見郡人稱之

府志

王觀化字孚明四川南充舉人崇正九年知辰州府郡學泮池久湮觀化爲開廣之甘泉隨湧又創建浮屠以爲

文峯助甫舉鋤而山巔石磴天然遇災變返風滅火禱
雨立應若操券焉是時郡城桂花三月大開郡人咸稱
異政之驗唐九官爲作五異詩九官端人也觀化與爲
詩文友酬和甚富

府志

石萬有字涵初上元籍滁州人也崇正十三年由貢士爲
辰州府通判是時四方不靖而辰郡荒旱厲疫頻作萬
有竭力祈禱多方安輯養士子徵賢才儲以待用捐餉
遣援兵以驅民害凡所以預事圖存者周矣及癸未三
月闖寇餘黨據澧州偏沅將弁周晉焚虜常德辰民間
風震驚萬有獨肩其任舉身家爲誓與眾其爲城守計

沅陵縣志

卷二十九

名宦

二十七

民有徙者斬晨夕籌畫廣布方畧緝奸擒僞賊不敢侵
是冬張獻忠陷全楚破武陵桃源當事假萬有兵篆萬
有益自勵傾囊橐以助軍詳移京餉調土兵迎藩嗣鼓
士紳練鄉勇造火器刊城書派堞口設燈籠立窩鋪偕
縣令唐夔諸僚屬晝夜嚴守城池分兵防隘水陸截堵
民恐恐然而賊竟不敢入境在郡五年蓋未嘗一日甯
居也甲申陞滇南太守兩院保留知辰郡命未下而去
郡人爲建生祠於虎谿九母宮之東刻其像於石辰谿
御史米助國紀其政於像下尋以鼎革故去留莫考而
此碑亦遂沈埋於祠下百二十年至乾隆癸未署知府

張天如表而出之並祀於九母宮西後太守陳嘉穀祠
內士紳始知萬有之功如此而縣令唐夔卒莫能詳而
傳也夔福建貢士米助國記

國朝

王任杞字凌霄順天大興人壬午舉於鄉順治七年知辰
州府時黔兵未靖屢出爭郡城任杞招撫流移督軍與
戰克之擢粵中兵備副使未行壬辰盧名臣等復率黔
兵大至城陷任杞被執厲罵以死闔門殉節者二十餘
人事聞贈太僕寺卿祀府名宦祠府一統志 舊省志

劉昇祚陝西人進士順治九年以分守湖北道駐辰州值

沅陵縣志

卷二十九

名宦

二十八

黔兵盧名臣等大舉攻郡昇祚倡義與知府王任杞縣
令楊來鳳總兵徐勇憑城固守多方禦之及城陷守令
皆死而昇祚死尤烈一門百口盡殉於難蓋擾攘之際
子姓既滅士民逃散當時未有以上聞者故贈卹闕然
也初四方未靖士不暇及於學昇祚至毅然以道自任
曰學校者人才之藪致治之源也亟集諸生親爲勸課
待以殊禮士論宗之後太守鄢翼明徵其事歎曰是固
學有淵源非徒慷慨捐軀已也尋祀府名宦祠省一統志

府志
舊志

楊來鳳四川人順治九年由舉人來知縣事黔兵至勢孤

援絕郡城不可守來鳳從守道劉昇祚知府王任杞總兵徐勇拒之不敵遂同抗節以死祀名宦祠

一統志
省志
府志

志
舊志

蘇宏謨遼東人貢生順治十五年知辰州府辰固衝要之區甲申後屢爲黔兵所據干戈侵擾民流離無所歸者十有餘年至是始得入版圖宏謨至爲設法招撫恤孤弱賑窮困瘞骸骼備糧餉徵求人才力爲勸學三年餘士民大有起色旋陞雲南驛道

府志

吳嵩肩眞定人進士順治十七年分守湖北道駐辰州兵燹之餘民流離無歸嵩肩力爲安輯除奸蠹懲豪猾崇

沅陵縣志

卷二十九

名宦

二十九

善類勤教化境內肅清旋進本省司臬百姓攀轅流涕竟日不得去

府志

鄔翼明字在公號廷輔遼東人乙未進士由清河令擢郎中順治十八年知辰州府勤於政事以振興自任郡當兵戈後城郭壞田野荒人民逃散翼明竭蹶撫輯漸復其舊旣又念郡中文獻遺散亟購舊志殘本參稽考訂五年始舉其大凡積成卷帙復建陽明祠修伏波廟立

亭馬鞍山創閣玉華洞政績卓然可紀

朱士剛志序
省志
府志

周召南字晉侯遼東人康熙元年巡撫偏沅重人才敦教化檄郡邑各設義學辰沅文風大振又裁驛遞夫馬以

蘇民困三年移節長沙長沙之駐巡撫自召南始府志

王孫麟號顏黻陝西臨潼人順治乙酉舉人康熙元年為

辰州府推官清潔自矢每讞獄務得其情冤繫者釋之

驛夫宥因為申請裁減時永順保靖土司互相仇讐屢

遣人解之莫能平當事以屬孫麟即馳至其地別其曲

直諭以大義兩土司皆帖服又嘗兼司理常德出無罪

者數十人兩郡之民皆德之祀府名宦祠黃如松名宦序省志

府志
舊志

李玳沔縣人康熙三年由歲貢為縣丞胸羅甚富喜與賢

士親洽政尚寬裕非其職未嘗妄干有古儒吏風府志

沅陵縣志 卷二十九 名宦 三十

李昌齡潼川州舉人康熙五年知縣事縣當滇黔之衝夫

役繁重加以吏胥侵虐民苦莫勝昌齡一意撫字與民

休息嘗修學宮建鼓樓皆不科斂民咸頌之省志
府志

蔡毓榮奉天錦縣人康熙十二年癸丑以都御史總督湖

廣軍務是年冬逆藩吳三桂叛於雲南傳檄入楚由辰

沅北馳明年遂踞有湖南六郡二州薦食荆岳旁煽諸

蠻僭號稱周毓榮馳疏以聞

詔加毓榮綏遠將軍會大軍進討十六年三桂死衡州逆

孫世璠襲偽位十八年大軍敗之賊退據辰州辰龍關

關最高險僅通一騎毓榮與大將軍貝子章泰領大軍

文紀之今得以有所徵者亦其力也

府志

郭忠孝山西人康熙二十一年爲辰州協副將加左都督
訓練軍伍以備不虞乙丑秋克苗出劫鎮溪所陷把總
官兵數十人勢洶洶大起忠孝聞報馳請討之督撫卽
以忠孝爲總統檄各營兵五千永保二司土兵三千咸
聽節制忠孝不持己見與監軍道王舜年督運太守劉
應中駐乾州箠子哨勦撫並用招降沿邊三十餘寨而
逆苗橫踞地良坡及爆木營以阻我軍仲冬忠孝督軍
大破之斬二千七百餘級進攻補頂寨生擒十五人擊
殺百餘人悍賊吳二過等殲焉十二月追至打蟲寨復

沅陵縣志

卷二十九

名宦

三十三

斬苗二百餘生擒二十人時舜年已入都應中署監軍
事乃益相勵以不殺爲令而苗終不悟也明年正月苗
聚革多寨雪日甚士皆戰慄苗憑險以觀意揚揚也忠
孝乃潛分兵乘雪夜從排那進黎明會師夾擊苗驚呼
大軍從天降矣大敗而奔追斬三百餘級餘盡竄入天
星寨寨爲苗中最險之區四壁峭立亭亭入雲表苗仰
攀藤葛猿臂牽挽而上外人雖善走者莫能至忠孝分
布營壘周環四面連攻三十有二日苗危急衝而下我
軍奮擊之下斬上墮首滾滾不絕苗急退忠孝哀憐之
下令收軍遣人招諭苗亦漸自悔悟於是馳使約應中

同詣寨前令土人援而上諭以大義告以不忍多殺之意苗涕泣下寨羅拜就撫至二月二十二日始奏凱還辰州是役也兵初進山愈險路愈仄朔風裂膚體雨雪連綿至春猶未覩天日士卒愁歎忠孝同其甘苦時溫語慰勞之及抵天星寨屢攻不克眾竊竊私議云昔有蕭總鎮統萬人攻之年餘不能破及是罷師而忠孝之名震於苗中矣

平苗各碑記
府志

按省志通志載張忠孝洛陽人由行伍累官辰州府副將以徵勦叛卒夏逆功授夷陵總鎮左都督卒贈太子少保列於康熙初其爲一人無疑特洛陽人與張字初

沅陵縣志

卷二十九

名宦

三十四

字誤耳

向兆麟號石村京山人康熙二十五年由舉人爲縣教諭性聰慧才思風生工詩善畫每興酣潑墨淋漓寸楮出人咸珍之嘗作深溪行極寫貧民疾苦以諷司牧世以比元結春陵行云後陞永順府教授

省志
府志

李慶祖字介福奉天鐵嶺人康熙二十六年知辰州府時吳逆初平前太守劉應中極力撫循而瘡痍未盡復慶祖一一則效之表貞烈屏豪強除驛遞私派勸農務本董勵師儒每季課試諸生盛筵欸之親爲品隲甲乙政聲卓然尋卒於官入祀名宦祠又別建專祠於城隍廟

側張玠祠府志

于廷弼號南滇滿洲鑲藍旗人監生康熙二十六年來知縣事值兵荒之餘殘黎困苦廷弼年少有才力除苛政加意撫循工詩善書每月課試生童多所造就人咸感服後陞廣東連平州知州府志

陳名蟠福建人康熙二十八年由舉人來知縣事是時上有賢太守名蟠益自鼓勵凡有可以爲士民惠者力行之否則陳其弊而止之去後有遺愛思云舊志

上官源字崑澎山西翼城人貢生康熙三十年知辰州府清謹自持待民極恕而奸猾畏避之修治學宮培養士

沅陵縣志

卷二十九名宦

三十五

子尤爲諄摯三載卒於官郡人哀之爲建祠於城隍廟側刻像紀德於碑祠記

郎廷榘字敬思遼東人官監生康熙三十五年知縣事長於吏治而度量涵宏凡小民休戚多方爲請於上必得允乃安縣當滇黔之衝水陸所必經舊設辰陽馬底界亭三驛夫馬悉有程式自征討吳逆軍興旁午舊額不敷遂權爲攤派之法而奸吏豪民多其名號加以雜派挾以包當久而不改小民困甚前令有欲革其弊者里胥互以誤差爲辭亦卒莫如何也廷榘至次第裁之而苦樂未均久之乃會紳士耆老議於民賦外每銀一兩

加納銀一錢二分屯賦半之凡解餉辦公之舉皆官出
貲募役名曰夫價一切雜派包當之名悉去貧富稍均
既而巡撫趙申喬悉令改支正賦夫價亦裁廷榷請並
革水驛民大稱快廷榷喜爲泐之石以永爲民利也於
是與爲休息潤色以文教修學宮纂邑乘政聲藉著又
念縣田賦較鄰邑倍重陳其弊以請至再至三大吏稍
知其誠允之終以成例難革而止十載以兄司臬湖南
避嫌調去去之日猶以未能輕賦爲恨士民至今繫思
不置

省志
府志

張佳晟字晉天廣濟人康熙四十年由舉人爲縣教諭學

沅陵縣志

卷二十九

名宦

三十六

有本原以詩文名於時邑久無志乘附於郡以存其概
而郡志惟侯加地所輯號稱善本邊防之外亦多畧焉
時邑令郎廷榷有意修纂以屬佳晟佳晟毅然任之多
方採擇發凡起例於人物尤爲矜慎無私釐爲十卷三
易其草歷二載而成在官日以造就人才爲樂諸生以
文質者殷殷開示而進之以敦品詣嘗作書道其意大
要謂學者當以薛文清讀書錄王文成則言爲法祛故
習挽頽波安貧樂道以期至於三不朽蓋文清文成嘗
過化辰州者故舉以相勗又出其平昔論學十議士皆
尊信之起衰振靡佳晟於是爲不愧矣

省志
府志

趙申喬字松伍江南武進人庚戌進士康熙四十一年壬午由浙江巡撫來讞鎮筸苗獄旋調任偏沅癸未督師從大軍破兗苗而撫其餘甲申奏請移沅州分巡道駐鎮筸設分防乾州同知鳳凰營通判及各巡檢裁鎮谿所仍設五寨司吏目惟土司尙如其舊而田宏天橫虐不法苗民冤憤申喬復請永革襲替邊民始得以高太平之福申喬持己嚴待物恕進見屬吏霽容接之使言利弊惟嫉惡如仇未嘗少貸減重耗去陋規平鹽價禁私徵湖南既均戴之而除驛站私派改支正賦辰州受福尤爲無窮己丑復勒捕兗苗吳老吉辛卯捐俸令屬

沅陵縣志

卷二十九

名宦

三十七

吏建鳳凰廳學宮旋擢都察院左都御史百姓送者千里不絕建專祠刻其奏檄曰趙公實政錄歿後諡恭毅入賢良祠祀湖南各郡縣名宦祠

一統志
府志
省志

宋吉金河南商邱人歲貢康熙四十七年同知辰州府淡泊自甘日用所需一準市值未嘗有累於民訟獄非其職者不强與聞大吏屬以事悉以正直斷之勸課農桑招父老語以孝弟課士子諄諄以敦行實學爲囑六載政聲卓然陞寶慶知府卒祀兩郡名宦祠

府志
省志

汪立名號西亭浙江錢塘人歲貢雍正二年知辰州府體恤民隱理冤獄能得其情不爲嚴刻之政待士和藹可

親輿論稱之

府志

袁承寵字丹圖山東長山人歲貢雍正六年知辰州府長於吏治而愛民甚摯時方開闢保靖桑植軍儲供應無缺而民不擾

府志

趙念曾字根矩山東德州監生雍正八年來知縣事下車謁學宮仰瞻廟宇傾隘弗稱退而歎曰是有司之責也整理政事課農桑清積案境內稍治卽倡捐新之名宦鄉賢祠舊在明倫堂下者移建於大成門左右櫺星門之東故教諭署也康熙三十三年改移後其故址副將借爲箭道久遂踞焉念曾徵舊志得其實以語副將陳

沅陵縣志

卷二十九

名宦

三十八

其瑛乃還其故地十之二三念曾欲全文武之好遂弗與深較時乾隆元年也旣又與太守李珣開文昌門重建虎谿書院延名師以教育多士朔望親至講堂與爲討論歲值大比每月必課諸士於署試以七藝盛筵欸之十載陞澧州知州去之日士民爭留餞焉爲紀德於

虎谿並其平日所作詩刻於石

德政碑
府志

母椿齡山西陽高人由行伍歷官臨武營參將雍正十年陞辰州協副將沈毅有謀畧而英勇絕倫臨陣率身先士卒是年抵任卽統軍從征貴州苗取清江台拱明年破蓮花公鵝囤所向披靡屢建奇功苗人畏之如神十

三年九股苗亂未平大師進勦時椿齡以病還辰州強起之復力疾以進苗聞其至悉股慄羅拜椿齡招降十餘寨旋卒於軍人咸惜之

府志

李珣字琛伯河南濟源人由舉人知黃梅縣雍正七年陞桑植同知調永順八年又調六里六里者永綏之舊名也十年轉辰州府知府珣長於吏治剔弊懲奸清理宿案斷決如流屬吏相感各以廉謹見稱外內肅然而培植士類更爲諄摯修縣學署置祭器開文昌門皆與縣令趙念曾捐俸倡之舊日試院隘甚每歲科試生童列坐府學櫺星門外規制不肅而士子哦吟竹篷風雨中

沅陵縣志

卷二十九

名宦

三十九

拘苦尤甚珣亟捐貲率屬創建內署外舍坐次有所士始得所歸十三年陞辰永靖兵備道後補山東司臬卒於官辰沅士民咸推爲循良之首云

省志
府志

何璘字華峯復姓周江西新城人中順天宛平籍鄉舉補內閣中書乾隆三年爲辰州府同知卓卓有聲政暇時詣虎谿書院與諸生論文捐俸購經史古文數百卷藏其中教以根本之學五年調寶慶府理彘同知撫治苗疆尤得要領陞四川嘉定知府

省志
府志

王櫓字青翰江南陽湖人雍正癸卯舉人授中書典籍乾隆五年同知辰州府事政暇則日以課士爲樂擇英才

招致署中一月三課手爲丹黃衡其甲乙或取古人名
作或出己作與爲講論切磋之功無異家塾著沿齋文
集沿齋經藝行世七年以老乞休

省志
府志

哈尙德直隸河間人乾隆六年爲辰州協副將郡當滇黔
孔道設驛丞專司驛務每驛立二三人爲夫長預支公
帑令其分貲募夫餉銷至夫長聞於眾夫皆如期肩運
法至善也辰陽有陳驛丞私變其法裁夫長派村民爲
夫奸胥橫虐納富民賄而驅貧者就役尙德廉知之以
語縣令吳瀚得復舊制民咸爲勒石紀德營中士卒建
祠以祀

府志

沅陵縣志

卷二十九

名宦

四十

李晉興字康侯桂陽州臨武人拔貢乾隆七年任辰州府
教授天性純樸樂於獎誘多士年八十餘猶手不釋卷
凡見聞有關於學問者悉紀之以備參訂著有泉山詩
古文集調元堂集行世後卒於官

府志

吳盼字旭升湖北天門人康熙丁酉舉人乾隆九年爲縣
教諭工制舉業樂於課士諄諄講論如塾師諸生亦樂
親之任十載以病乞歸

府志

王冕字冠南四川松潘廳人拔貢乾隆十三年由教習來
知縣事性清慎吏治嚴明待士以禮政暇卽詣虎谿書
院評文論品多方獎勵署中建碧梧軒棲霞亭雜植花

卉有塵外意花期招諸生賞花賦詩迭相倡和又出古法帖俾各臨摹十九年調任江華省志府志

羅以純字粹菴嘉禾人壬戌進士乾隆十四年爲辰州府教授性嚴正寡言笑訓士以文行兼修爲程植良除莠毅如也郡守延之掌教虎谿者五年訓課開導無稍間遊其門者多所造就後卒於官府志

陳嘉穀字春及號育亭江南江甯監生乾隆十二年知辰州府爲政持大體不務苛細訟獄無巨細每親爲剖決郡西虎谿書院歲必捐俸延師課士賞罰有程士皆奮發樂於就學四載卒於官建祠虎谿之左省志府志

沅陵縣志

卷二十九

名宦

四十一

鄧士錦字太初江西南城人由諸生薦授訓導乾隆元年舉博學鴻詞轉常德經歷十二年署辰州府通判駐浦市市號巨鎮固商賈財貨之區也染指者眾士錦獨不厭清貧政暇卽閉戶著書竟日哦吟不輟時兵備道永貴攝府篆議募貲助虎谿書院廩餼士錦力爲鼓舞紳士以助後補湘潭朱亭丞府志

永貴號心齋滿洲正白旗人官學生乾隆十一年積階至辰沅永靖兵備道駐鳳凰廳擢謙愛士建立學校以爲變化人心風俗之本丁卯來攝辰州府篆朔望必詣虎谿書院與諸生論學命紳士募貲以廣月廩之費積數

千金爲政清慎不苛而剔除弊政不遺餘力晉雲南布政使陞浙江巡撫道過辰郡士民郊迎不絕貴停車握手道故猶諄諄以務學敦品相勗後任吏部尙書協辦大學士

府志雜識

陳宏謀字汝咨號榕門臨桂人癸卯進士乾隆二十年巡撫湖南事無巨細必諮詢利弊而力爲興除嘗巡方辰州無輿從之繁民有以冤訴者立親決之詣虎谿書院論學竟日自道爲學甘苦分其所刻綱鑑正史約養正遺規訓俗遺規在官法戒錄諸書以勸學者二十八年晉兵部尙書協辦大學士聞知府席紹葆方纂修辰志

沅陵縣志

卷二十九

名宦

四十二

馳書與論體例且寄以楚南苗志曰辰州所最急者苗事也是時三廳方屬辰州故宏謀拳拳如此他善政非有關於邑者不贅三十二年授東閣大學士卒諡文恭

府志雜識

永泰字石安滿洲正白旗人雍正十二年由永綏同知擢知辰州府政務大體和易準於人情己未秋旱泰齋沐步禱引躬自咎雨爲立沛歲獲豐收葺學校續郡志遇士子以禮士民咸愛戴之

府志

周升號旭洲上元人乾隆二十二年由舉人來知縣事性醇厚治尙寬平不善媚上官初履任新改驛歸州縣章

程未定升一切克己不以擾百姓那公項以應差府擘其短卽以是揭之士民惟恐升被劾集貲潛補一日夜額悉敷久之調簡會同縣解組出署百姓聚觀歎惜日饋柴米蔬菜者填門其去也祖餞蟬聯市無隙地

府志
雜識

何泰字東望清泉人甲子舉人乾隆二十二年任縣教諭富於學有治事才官署傾圮泰捐俸倡修諸生樂助之學宮左側地久爲民踞舊任者莫如何也泰同訓導何經世請於太守遣官清復二十四年薦最丁外艱起補

臨湘學旋擢知縣

府志
雜識

張天如號念齋會稽人由拔貢爲長沙令有聲巡撫陳宏

沅陵縣志

卷二十九

名宦

四十三

謀特疏薦之乾隆三十八年署辰州府篆首謁學卽進諸生勗以敦品詢郡中利弊撫黎庶驅豪蠹葺學宮課書院表孝旌烈兩月餘道路歌頌不絕去後士民泐碑紀之旋以養母乞歸陞山東道不就

府志
雜識

席紹葆字宜民江蘇吳縣人由議敘累官湖北荊州知府以迴避調知辰州大吏知其才頻檄聽他郡疑獄多所平反居常接見士紳訪地方利病乃捐俸增虎谿書院膏火廣試院號舍葺郡學宮移置明倫堂於前暇卽至書院集諸生講藝士論翕然其馭胥隸維嚴不少寬假郡治南岸爲通黔陸路險窄難行旣平治之復諭眾修

理北河牽路念郡志久殘缺捐金重修之自癸未蒞任
乙酉去官民思其德不忘紀之石續

林元烱字初晝浙江瑞安人乾隆二十一年由拔貢生爲
邑丞駐界亭驛驛距城百四十里赴訴者多質於丞元
烱至歷年疑獄悉爲剖決性耿介有守遇是非侃侃不
可撓緣此不宜於上吏喜詩文於官廨側構松哦草堂
暇日吟詠其中癸未歲巡撫陳宏謀巡邊至見元烱甚
重之謂之曰子悃悞無華中必有物盍以告元烱因陳
論數事悉嘉納之宏謀尋內陞去元烱在任十年理民
事千三百有奇子杖者方九人其寬厚又若此後以病

沅陵縣志

卷二十九

名宦

四十四

乞歸續

陳廷慶字桂堂號古華江蘇奉賢人乾隆五十五年由翰
林出守辰州爲政寬大不苛而尤樂於造士捐廉俸修
虎谿書院多士讀書其中嘗攜飲饌詣院課文親爲評
隲所成就甚眾復修理郡中古蹟公餘之暇偕文士觴
詠其間頗有廬陵東坡之風在任五年士服其教民懷
其德及歸里猶數千里致郡人書殷殷道故並以績學
勵行相勸勉後卒於家郡人哀思不置立主於虎谿之
見江軒春秋祀之其流風餘韻至今猶令人景仰云續
王見偉字彤甫江夏人嘉慶癸酉拔貢官戶部小京官游

陞郎中道光十一年來守辰州丰裁峻整遇有控案輒親提訊冀免枉縱每月詣虎谿書院校閱課卷經其指示者咸得意以去辰郡山多田少戶鮮蓋藏爰爲備荒計修建義倉勸捐義穀積四千石有奇嗣後雷成樸來知府事變通而擴充之遂成善政實見偉基之也會以母老告養歸里遂不復仕

續

方傳穆字彥和安徽桐城人進士道光十八年知辰州府事甫下車詣虎谿書院見棟宇傾圯慮無以庇多士卽捐千四百金撤而新之並捐增課額爲膏火資明年浦市皂角坪有械鬪事時通判某不能彈壓輒以民變報

沅陵縣志

卷二十九

名宦

四十五

郡城各營擬通稟勒兵往傳穆不聽單騎星夜馳去廉得情實集文武員弁對眾痛斥之民志始靖嗣陞福建延建邵道去之日祖餞雲擁輿不得前後於書院左側之陳公祠置祿位祀之

續

李馨字蕃樓四川人道光十八年知縣事廉潔愛民勤於治事每晨起坐堂皇中判決獄訟至夜不倦邑中劇盜捕治殆盡嘗課士署中題紙下多士呶唔起草忽傳馨已至近鄉擒盜歸矣其神速類若此以故邑無匪黨無博徒後以勞瘁卒官士民哀思於前太守陳公嘉穀祠內設主祀之

續

李文耀字星樓瀏陽人以名解元來司鐸博洽工文教士不倦遊其門者多所成就嘗郊行見荒塚坍塌白骨暴露心惻然卽出貲掩埋並邀同志醵金爲修古塚資垂諸久遠聞邑有溺女者乃創立體仁局貧家生子女給錢以資養育全活嬰孩甚眾以學官而留心民瘼如此宜邑人之尸祝無窮也續

雷成樸字震初朝邑人道光二十一年由御史出守辰州性沈毅寡笑言蒞事嚴明吏民畏服念沅邑民貧土瘠鮮蓋藏舊有義倉亦積聚無幾乃勸捐置義田數百頃歲收其租以裕倉儲至今利賴無窮增設虎谿書院齋

沅陵縣志

卷二十九

名宦

四十六

房課多士諄諄以敦品勵學爲訓評隲文藝優加獎賚一時學者多所成就復捐廉重修府學宮後以調任長沙去至今郡人猶思慕不置續

鍾音鴻字子賓興國人由翰林出守辰州仁慈寬厚民不忍欺道光己酉歲大饑斗米千錢音鴻卽發義倉穀平糶設粥廠以食餓者日坐義倉經營民食對饑民至於流涕每日食粥一盂曰吾民饑吾不忍食也慮倉穀不繼出廉俸數十金糴於鄰郡並勸富戶捐賑治荒政三閱月全活數萬人郡東牛金山舊傳產金久絕產封禁是時歲荒貧民或盜採焉遠近走集者逾萬懼爲變或

請兵擊之音鴻不可單騎往諭以禍福眾羅拜唯唯散郡得無事其他訓課生童修建試院猶爲常事云續

王宏謨字定甫臨川人咸豐元年由進士來署縣事廉潔慈惠才識明敏除豪強安良善與民休息而尤長於治獄每訟牒至立爲剖決且洞開重門縱民聚觀宏謨耳聽口鞫悉得其情兩造叩首服訊畢向眾曰吾斷此獄是否萬口齊聲頌神明焉是時湖南邊境盜起宏謨慮藏奸力行保甲法挨戶親查稽察備至由是盜賊斂迹民賴以安未幾檄調宜章闔邑惘然如失慈父母去之日徒步出城萬民拈香跪送有泣下者宏謨慰父老曰

沅陵縣志

卷二十九

名宦

四十七

吾無德父老無自苦眾悲不能起宏謨亦悽然徘徊逾時始就道去續

劉位坦字寬夫順天大興人咸豐元年知辰州甫下車卽以育嬰爲急務捐廉建堂規畫盡善嗣緣軍需復提用非其本心也於城東西南北設四義塾俾貧家子弟讀書其中廷師教之四年粵匪陷常辰郡戒嚴居民逃竄一空位坦晝夜防堵誓以死守因積勞成疾乞歸故里後卒於家續

汪敷灝字習之浙江仁和人咸豐十一年辛酉來署府篆時髮逆由黔陽順流而東踰辰谿歷浦市犯瀘溪距辰

城僅六十里烽火相望人人自危數灝率同城員弁於郭西兩江口列營誓以死守飛書各路請兵大軍雲集分據要隘賊偵有備遂由瀘西竄辰賴以安曩使辰不保則常岳亦危禍延全楚矣事後論功竟不及此故爲推論之續

論曰作史之道媿惡並書昭法戒也邑乘唯武功康志靈壽陸志頗備斯例餘則祇書媿不書惡孫謹列敘康志謂義不當假史官褒貶之權志不與史異與閱邑舊志職官列名宦者十不過一二不言之貶亦微權也且名宦中其卓卓可稱者又十不過二三他則一節之長亦備登之爲沅陵縣志

卷二十九 名宦 論 四十八

後之司牧者勸非謂其可以列名宦志卽可以祀名宦祠也故由漢迄今入志者百數十人而入祠者僅十數人蓋又有區別焉於此見名宦不可倖邀而祀名宦祠之尤不易也廁身宦途者可審所去從矣